

Idem infusum fuisse Christianorum corporibus, scriptores Ecclesiastici memorant. Plumbatæ quibus cæsi sunt, in eorundem libris notissimæ. Solēt medici vasis plumbeis ad quasdam pinguedines medullasq; continendas vti. Philetas poëta Cous, soleis plumbeis vsus in calceis est, ne à vento propter corporis exilitatem euerteretur. Plumbeis pugionibus dimicare dicuntur, qui pugnant inutiliter: plumbeo item gladio iugulare apud Ciceronem. Plumbeus homo nullius ingenij, apud Terentium. Iræ plumbeæ pro grauibus, apud Plautū. Austrum autem num ab effectu aëris, aut corporum, Horatius plumbeū vocet, ambigunt interpretes. Musici olim laminas plumbeas pectori imposuerunt, ad cantica exclamanda, vt scribit Isidorus. Chartam plumbeā lupinus pectore sustinuit Nero imperator, vt Suetonius, conseruandæ augendæq; vocis causa. Tali itidem la-